

Broj: 03-017-1529/2020
Dana; 20.03.2020. godine

SKUPŠTINA UNSKO-SANSKOG KANTONA

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
SKUPŠTINA UNSKO-SANSKOG KANTONA

PRIMLJENO:			
Organizacija	Klasifikacioni oznaka	Redni broj	Broj priloga
017-UN-9-19-83/20			

PREDMET: Prijedlog Zakona o prijavljivanju i postupku provjere podataka o imovini nosioca javnih funkcija u Unsko-sanskom kantonu, dostavlja se

Na osnovu člana 120. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), u prilogu vam dostavljamo Prijedlog Zakona o prijavljivanju i postupku provjere podataka o imovini nosioca javnih funkcija u Unsko-sanskom kantonu, uz sljedeće:

O b r a z l o ž e n j e


Vlada Unsko-sanskog kantona je na svojoj 129. sjednici održanoj dana 20.03.2020. godine razmatrala i Zaključkom broj: 03-017-1529/2020, utvrdila Prijedlog Zakona o prijavljivanju i postupku provjere podataka o imovini nosioca javnih funkcija u Unsko-sanskom kantonu, predlagača Ministarstva pravosuđa i uprave, koji vam se upućuje u dalju proceduru.

S poštovanjem,

Prilog: Prijedlog Zakona o prijavljivanju i postupku provjere podataka o imovini nosioca javnih funkcija u Unsko-sanskom kantonu (6x)

Dostavljeno:
1.Naslovu
2.a/a





Na osnovu člana 16., a u vezi sa članom 18. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), na prijedlog Ministarstva pravosuđa i uprave, Vlada Unsko-sanskog kantona na sjednici održanoj dana 20.03.2020. godine, donosi:

ZAKLJUČAK

I


Utvrđuje se Prijedlog Zakona o prijavljivanju i postupku provjere podataka o imovini nosioca javnih funkcija u Unsko-sanskom kantonu, obrađivača Ministarstva pravosuđa i uprave Unsko-sanskog kantona i isti se upućuje Skupštini Unsko-sanskog kantona na razmatranje.

II

Ovaj Zaključak stupa na snagu danom donošenja.

Broj: 03-017-1529/2020
Bihać; 20.3.2020. godine

PREMIJER KANTONA
mr. sci. Mustafa Ružnić



Broj: 21-02-8635-19/2019
Datum: 20.03.2020.godine

MINISTARSTVO PRAVOSUĐA I UPRAVE

PREDMET: Mišljenje na prijedlog Zakona o prijavljivanju i postupku provjere podataka o imovini nosioca javnih funkcija u Unsko-sanskom kantonu, dostavlja se;-

Na osnovu člana 4. Uredbe o Uredu za zakonodavstvo Vlade Unsko-sanskog kantona ("Službeni glasnik Unsko-sanskog kantona" broj: 9/11, 22/11 i 7/18), Ured za zakonodavstvo Vlade Unsko-sanskog kantona, daje sljedeće

MIŠLJENJE

na prijedlog Zakona o prijavljivanju i postupku provjere podataka o imovini nosioca javnih funkcija u Unsko-sanskom kantonu

Osnov za donošenje:


Ustavni osnov za donošenje zakona iz djelokruga Skupštine Kantona sadržan je u odredbi člana 11. b) i n) odjeljak A poglavlja V Ustava Unsko-sanskog kantona – Prečišćeni tekst ("Službeni glasnik Unsko-sanskog kantona", broj: 1/04 i 11/04), koji se odnosi na djelokrug Kantona i Skupštine Kantona za donošenje zakona.

Ured za zakonodavstvo Vlade Unsko-sanskog kantona, a nakon izvršene analize teksta predmetnog prijedlog Zakona, stava je;

- tekst predmetnog Zakona urađen je u skladu sa metodološkim jedinstvom za izradu propisa, odnosno u skladu sa članom 24. Poslovnika o radu Vlade Unsko-sanskog kantona ("Službeni glasnik Unsko-sanskog kantona", broj: 26/12, 3/14 i 11/14);
- tekst predmetnog nacrt Zakona urađen je u skladu sa Pravilima i postupcima za izradu zakona i drugih propisa Federacije Bosne i Hercegovine ("Službene novine Federacije Bosne i Hercegovine", broj: 71/14).

U obrazloženju dostavljenom uz predmetni Zakon navedeno je da nakon provedene javne rasprave nije bilo suštinskih izmjena u odnosu na raniji tekst, te shodno navedenom, Ured za zakonodavstvo Vlade Unsko-sanskog kantona ostaje pri stavu koji je dat na nacrt predmetnog Zakona.

S poštovanjem!
Dostavljeno:
1. Naslovu
2. a/a



SEKRETAR UREDA

Asija Filipi, dipl.pravnik



Broj: 04-02-8635- 9/19
Bihać, 19.03.2020. godine

MINISTARSTVO PRAVOSUĐA I UPRAVE
- ovdje -

PREDMET: Odgovor , dostavlja se;
Veza, Vaš akt broj : 07-02-8635-8/19 od 19.03.2020. godine


Vežano za Vaš akt, broj i datum gornji, a koji se odnosi na Zakon o prijavljivanju i postupku provjere podataka o imovini nosioca javnih funkcija u Unsko-sanskom kantonu, ovim putem Vas obavještavamo da je na snazi Odluka o privremenom finansiranju Unsko-sanskog kantona za period 01.01.-31.03.2020. godine, a da smo svoje mišljenje na navedeni materijal dali aktom broj: 04-02-8635-4/19 od 02.09.2019. godine (u prilogu).
Napominjemo da će implementacija navedenog Zakona prouzrokovati donošenje rebalansa Budžeta Unsko-sanskog kantona za 2020. godinu, jer se istim predviđa formiranje novog Ureda-novog budžetskog korisnika.

Prilog: kao u tekstu


S poštovanjem,

Dostavljeno:

1. Naslovu
2. Minist.finansija
3. a/a



dr. sc. Vedran Prša



Broj: 07-02-12688- /19
Datum: 19.03.2020 godine

SKUPŠTINA UNSKO-SANSKOG KANTONA

Na osnovu člana 117. stav (2), člana 120. stav (2) Poslovnika Skupštine Unsko-sanskog kantona ("Službeni glasnik Unsko-sanskog kantona", broj: 9/17), a u vezi sa Zaključkom Skupštine Unsko-sanskog kantona, broj: 01-02-4-140/19 od 23.10.2019.godine, Ministarstvo pravosuđa i uprave podnosi:

IZVJEŠTAJ

o rezultatima Javne rasprave o Nacrtu Zakona o prijavljivanju i postupku provjere podataka o imovini nosioca javnih funkcija u Unsko-sanskom kantonu

I. Uvod

Skupština Unsko-sanskog kantona na sjednici održanoj dana 23.10.2019. godine, Zaključkom broj: 01-02-4-140/19 prihvatila je nacrt Zakona o prijavljivanju i postupku provjere podataka o imovini nosioca javnih funkcija u Unsko-sanskom kantonu i zadužila Ministarstvo pravosuđa i uprave da provede Javnu raspravu o nacrtu Zakona o prijavljivanju i postupku provjere podataka o imovini nosioca javnih funkcija u Unsko-sanskom kantonu.

II. Podaci o objavi i trajanju Javne rasprave

Javnu raspravu provela je Radna grupa imenovana rješenjima ministra Ministarstva pravosuđa i uprave, broj: 07-02-12688-2/19, od 05.11.2019.godine i 07-02-12688-4/19, od 27.11.2019.godine.

Javna rasprava o nacrtu Zakona provedena je:

1. Postavljanjem nacrta Zakona o prijavljivanju i postupku provjere podataka o imovini nosioca javnih funkcija u Unsko-sanskom kantonu na zvaničnoj web stranici Vlade Unsko-sanskog kantona;

2. Postavljanjem nacрта Zakona o prijavljivanju i postupku provjere podataka o imovini nosioca javnih funkcija u Unsko-sanskom kantonu na oglasnoj tabli Vlade Unsko-sanskog kantona;
3. Održavanjem Javne rasprave.

Obavještenje o provođenju Javne rasprave objavljeno je na zvaničnoj web stranici Vlade Unsko-sanskog kantona, fb stranici Vlade, na oglasnoj tabli Vlade Unsko-sanskog kantona.

Obavještenje o provođenju Javne rasprave dostavljeno je pisanim putem:

1. Skupštini Unsko-sanskog kantona, zastupnicima u Skupštini;
2. Kantonalnim organima uprave;
3. Jedinicama lokalne samouprave, načelnici/gradonačelnici i općinsko/gradsko vijeće;
4. Misija OSCE-a u BiH.

Javna rasprava održana je dana **28.11.2019.godine (četvrtak)** sa početkom u **11:00 sati u sali Skupštine Unsko-sanskog kantona**, u ulici Alije Đerzeleza Bihać, sa sljedećim dnevnim redom:

1. Prezentacija nacрта Zakona o prijavljivanju i postupku provjere podataka o imovini nosioca javnih funkcija u Unsko-sanskom kantonu,
2. Pitanja, diskusija, odgovori i objašnjenja.

Prisutni Javnoj raspravi su lica sa spiska prisutnih koji čini sastavni dio ovog zapisnika:

Rasim Pajić, poslanik naglasio je da je u pitanju jako bitan Zakon, ali da je Javna rasprava preuranjena, da se potrebno održi još jednu raspravu u vezi ovog materijala, jer će biti puno izmjena u ovom Zakonu, jer se treba ispoštovati Zaključak Skupštine.

Ministar odgovara u vezi obraćanja poslanika Rasima Pajića, slaže se sa bitnošću Zakona....i treba o njemu ozbiljno razgovarati.

Ilda Alibegović poslanica, također ukazala je na važnost Zakona u borbi protiv korupcije, da se o ovoj temi treba još da razgovara. Skrenula je pažnju na značaj Registra državnih službenika i namještenika-

Hadis Jusić, poslanik ukazao je također na važnost ovog nacrt Zakona, ali da je forma Zakona promašaj-Da zakon ima tehničkih nejasnoća, da je mišljenje Ureda za zakonodavstvo suprotan ovom Zakonu, da je nacrt Zakona apsolutno bez svoje suštine. Sugerisao je da Zakonom budu obuhvaćeni apsolutno svi na Unsko –sanskom kantonu, s ciljem borbe protiv korupcije. Treba se urediti ovaj Zakon i šta se želi postići ovakvim Zakonom.

Fatka Kulenović, poslanica u Skupštini naglasila je da se sa ovakvim Zakonom kasni, da je trebao se ovakav Zakon donijeti puno ranije. Sugerisala je da se Zakon odnosi na sve državne službenike i da se ispoštuje zaključak Skupštine te da se krene s tim u dalju proceduru.

Ilda Alibegović, da se zaključak skupštine treba iznalazirati i još govoriti o zaključku, Jer ako negdje nešto dobro funkcioniše zašto nebi i mi preuzeli uz korekcije prilagođenu ovom Kantonu.

Vildana Alibabić, poslanica u Skupštini naglasila je da je postupak donošenja Zakona i uspostava Ureda za borbu protiv korupcije ogroman posao al ga treba sprovesti. Uposleni u Uredu za borbu protiv korupcije treba će edukaciju i pomoć onih koji imaju iskustvo u primjeni ovakvog Zakona. Podržala je prijedlog da budu Zakonom obuhvaćeni državni službenici.

Hadis Jusić, tražio je pojašnjenje šta se smatra odnosom zavisnosti, kako to propisuje član 2. stav 2. nacrta Zakona

Razim Halkić, poslanik u Skupštini, u svojoj diskusiji naglasio je da je ovaj Zakon dobar, treba doraditi tekst nekih članova.

Jusuf Bajraktarević, predložio je da se prvo utvrdi skala rizičnih mjesta- preventivno djelovati protiv korupcije, da se zaštiti prijavitelj korupcije. Sugerisao je da se utvrdi Registar sukoba interesa.

Šejla Šarić- koordinator Tima za borbu protiv korupcije ukazala je na mogući problem kod bliskih srodnika prilikom prikupljanje podataka o imovini.

Aladin Čahić, Kantonalni upravni inspektor na Javnoj raspravi pojasnio je da planovi integriteta-institucija određuju koruptivne rizike pojedinih radnih mjesta.

Dijana Joldžić Ogrješević sugerisala je preciziranje odredbe člana 2. stav (2) Zakona.

Imajući u vidu diskusiju i sam tok Javne rasprave Ministarstvo pravosuđa i uprave pozvalo je prisutna lica Javnoj raspravi o nacrtu ovog Zakona da elektronskim putem na službenu mail adresu Ministarstva dostave konkretne prijedloge i sugestije na nacrt Zakona.

III. Tabela pregled prijedloga dostavljenih elektronskim putem

Rb	Podnosilac	KOMENTAR, PRIMJEDBA ILI SUGESTIJA	STAV O ZAHTJEVU	OBRAZLOŽENJE
1	Radno tijelo Vlade Unsko-sanskog kantona za borbu protiv	Član 4, stav 1 tačka b): Dodati i izvršne direktore, zamjenike direktora, pomoćnike direktora i druga lica koja su zakonom, osnivačkim aktom ili		Odnosi se na direktore-ugrađeno u odredbe Zakona

<p>korupcije Šejla Šarić</p>	<p>drugim propisom ovlaštena za zastupanje pravnog lica. Takođe, treba precizirati da li se Zakon odnosi i na vršioce dužnosti svih funkcija.</p> <p>Član 6: U nadležnost Ureda predvidjeti i izradu korisničkog uputstva u kojem treba na što jednostavniji način objasniti kako se ispravno popunjava obrazac i iste učiniti dostupnim na web stranici</p> <p>Član 7.stav 4): Ured podnosi informaciju Skupštini svakih šest mjeseci gdje informiše Skupštinu o radu, prikupljenim podacima o imovini, uočenim nepravilnostima, a u skladu sa nadležnošću utvrdenom ovim zakonom, te ove informacije Ured objavljuje na svojoj web stranici, nakon što budu usvojene od strane Skupštine. Obrazloženje: Ovom odredbom nije osigurana neovisnost u radu Ureda niti previđeno šta ako Skupština ne usvoji informaciju</p> <p>Član 14: Neophodno je pripremiti i obrazac za prijavu i evidentiranje poklona, jer nije zakonom utvrđeno kako i gdje će se evidentirati.</p> <p>Član 22: U kaznenim odredbama Zakona nije predviđena kazna za neprijavlivanje imovine nosioca javnih funkcija koji su se zatekli na funkciji u trenutku stupanja na snagu Zakona, već samo za kašnjenje sa redovnim godišnjim prijavljivanjem, neprijavlivanje</p>	<p>Djelimično uvaženo</p> <p>Uvaženo</p> <p>Uvaženo</p> <p>Uvaženo</p> <p>Uvaženo</p> <p>Uvaženo</p>	<p>Ugrađeno u odredbe Zakona</p> <p>Ugrađeno u odredbe Zakona</p> <p>Ugrađeno u odredbe Zakona</p> <p>Ugrađeno u odredbe Zakona</p> <p>Ugrađeno u odredbe Zakona</p> <p>Ugrađeno u odredbe Zakona</p>
----------------------------------	--	--	---

		<p>imovine prilikom preuzimanja dužnosti, neprijavlivanje imovine na zahtjev Ureda i neprijavlivanje imovine poslije udaljavanja sa funkcije</p> <p>Opća primjedba: Precizirati mogućnost i proceduru u slučaju da bliski srodnik ne da saglasnost nosiocu da dostavi podatke o njegovoj imovini, ukoliko nosioc ne zna šta njegov bliski srodnik posjeduje od imovine ili ukoliko nema nikakav kontakt sa nekim od svojih bliskih srodnika.</p>	Uvaženo	Ugrađeno u odredbe Zakona
2	<p>Zastupnik Hadis Jusić i Kantonalni zavod za prostorno uređenje i planiranje - Dijana Joldžić Ogrešević</p>	<p>Član 2 stav 2): Ponuđeno normativno rješenje iz stava 2. je neprecizno. Obrazloženje: Predlažem da se u ovom članu ili u članu 4. (Pojmovi), definiše pojam „odnos zavisnost“ iz razloga što je ponuđena formulacija nejasna i neprecizna te kao takva može dovesti do različitog tumačenja u primjeni Zakona u pogledu toga šta se ima smatrati „ odnosnom zavisnosti“</p> <p>Član 3: Ponuđeno normativno rješenje je nepotpuno. Obrazloženje: Predlažem da se član 3. doradi na način da se decidno, potpuno i jasno definiše svrha obrade podataka kao i efekti koji se nastoje sa istim postići.</p> <p>Član 5: Neophodno je definisati kakav status će Ured za borbu protiv korupcije imati u organizacijskom smislu, zatim status zaposlenih u Uredu i način finansiranja rada Ureda.</p>	<p>Uvaženo- brisan iz odredbi Zakona</p> <p>Uvaženo</p> <p>Uvaženo- defininan status Ureda</p>	<p>Definirana svrha i efekti.</p>

	<p>Objasnenje: Nedovoljno je da se samo odredbom člana 24, koji definiše disciplinsku odgovornost zaposlenika Ureda, posredno uputi na to da čezaposleni imati status državnih službenika i namještenika. Smatram neophodnim da se to u tekstu ovog člana jasno definiše.</p> <p>Član 7: U predloženom rješenju je propisano da Skupština <u>usvaja informaciju</u>, te da Ured informacije objavljuje na web stranici nakon usvajanja od strane Skupštine.</p> <p>Objasnenje: Ovakvo rješenje je nepovoljno za neovisnost Ureda kao i za samu svrhu donošenja ovog Zakona.</p> <p>Nadalje, nejasno je šta je posljedica neusvajanja Informacije.</p> <p>Iz ponuđenog rješenja proizilazi da ukoliko Skupština ne usvoji Informaciju, koja sadrži sve relevantne podatke, ista se ne može objaviti niti učiniti dostupna javnosti.</p> <p>Ovim se dovodi u pitanje svrha ovog Zakona i prikupljanja i obrate predmetnih podataka.</p> <p>Nadalje, smatram neopravdanim propisati Uredu obavezu podnošenja informacije svakih 6 mjeseci, obzirom da se vrši godišnje prijavljivanje imovine. Ovo posebno ukoliko se uzme u obzir da je već propisana mogućnost Skupštine da u svrhu praćenja provedbe Zakona, zatraži posebne izvještaje o aktivnostima iz nadležnosti Ureda.</p> <p>Propisivanje podnošenja informacije svakih 6 mjeseci bi moglo značajno utjecati na efikasnosno obavljanje poslova iz</p>	<p>Uvaženo- brisan odredbe o objavi informacija i izvještaja po usvajanju nadležnih organa</p>	
--	---	--	--

		<p>nadležnosti Ureda.</p> <p>Član 16: Smatram neophodnim propisati poseban rok za prijavu poklona. Obrazloženje: Opravdano je ponuđeno rješenje da se odredbe Zakona koje se odnose na proceduru i prijavu imovine odnose i na prijavu poklona, međutim smatram neophodnim propisati poseban rok za prijavu poklona</p>	Uvaženo-ugrađeno u odredbe Zakona	
3	<p>Politička organizacija građana "Naša stranka", Kantonalni odbor Zapad</p> <p>-</p> <p>Vildana Alibabić</p> <p>-</p> <p>amandmani</p>	<p>Amandman I Član 1 mijenja se i glasi: Ovim Zakonom utvrđuje se obaveza izabраниh i imenovanih dužnosnika, nosioca izvršnih funkcija i savjetnika (u daljem tekstu: nosioci javnih funkcija) da prijave zatečenu imovinu i prihode, porijeklo i promjene imovine i prihoda, kao i poklone koje dobiju u toku obavljanja javne funkcije (u daljem tekstu: podaci o imovini), način prikupljanja, obrada, korištenje, zaštita i čuvanje podataka, kao i dužnosti i obaveze organa nadležnih za provođenje i nadzor nad provođenjem ovog zakona i druga pitanja od značaja za provođenje ovog zakona. Zakon se odnosi i na vršioce dužnosti svih funkcija. U članu 1 dodaje se stav (2) i glasi: Obaveza iz stava (1) ovog člana odnosi se i na dostavljanje podataka o imovini bliskih srodnika nosioca javnih funkcija. Obrazloženje: Uočene su određene nedorečenosti u predmetu Zakona, te se navedenom izmjenom ovog člana iste otklanjaju i preciziraju. U članu 1 je precizirano ko su nosioci</p>	Uvaženo	Ugrađeno u odredbe Zakona
			Uvaženo	Ugrađeno u odredbe Zakona

	<p>javnih funkcija, ali nije jasno da li se Zakon odnosi na vršioce dužnosti koji su česta pojava kod imenovanja. Zato treba precizirati odredbe Zakona i na vršioce dužnosti.</p> <p>U članu 4 (Pojmovi) objašnjava se pojam “bliski srodnik”, a u članu 1 taj pojam ne postoji, nije definiran. Osim toga, “bliski srodnik” spominje se kasnije u članu 8 i 17 u tekstu Zakona, a nije obuhvaćen članom 1 koji je predmet Zakona.</p> <p>Amandman II</p> <p>U članu 2 stav 4) mijenja se i glasi:</p> <p>4)Nosioci javnih funkcija ne smiju koristiti javnu funkciju za ličnu dobit i dobit bliskih srodnika.</p> <p>U članu 2 dodaju se novi stavovi (5) i (6) koji glase:</p> <p>(5) Zabrana koruptivnog djelovanja: nosioci javnih funkcija ne smiju u obavljanju svoje dužnosti tražiti ili prihvatiti nedopuštenu korist za obavljanje svojih dužnosti.</p> <p>(6) transparentnost i javna kontrola:obavljanje svih javnih funkcija bit će transparentno i podliježe javnoj kontroli, a posebno pravu građana da budu upoznati sa ponašanjem nosioca javne funkcije.</p> <p>Obrazloženje: Uočene su određene nedorečenosti kod principa djelovanja u Zakonu, te se navedenom izmjenom i dopunom ovog člana iste otklanjaju i dodatno preciziraju. Principi antikoruptivnog djelovanja se u ovom smislu dopunjavaju zabranom koruptivnog djelovanja i naročito transparentnošću u radu i</p>	<p>Uvaženo- ugrađeno u odredbe Zakona</p> <p>Uvaženo- ugrađeno u odredbe Zakona</p>	
--	--	---	--

	<p>pravu građana da budu upoznati sa ponašanjem nosioca javne funkcije, što se potvrđuje članom 21 Zakona.</p> <p>Amandman III U članu 8 stav d) mijenja se i glasi: d) dionice, akcije i obveznice i udjeli u pravnim licima i drugi vrijednosni papyri u zemlji i inostranstvu sa minimalnim postotkom od 1% na više. Obrazloženje: Kod prijave dionica ili vlasničkog udjela u pravnim licima staviti census, odnosno minimalni postotak u vlasničkom udjelu (npr. minimalno 1%), da bi se izbjeglo prijavljivanje nekih zanemarivih iznosa.</p> <p>Amandman IV U članu 17 dodaje se novi stav (2) i glasi: (2) Izraditi podzakonski akt za slučajeve kada nosioci javnih funkcija nemaju kontakt sa bliskim srodnicima. Obrazloženje: Podzakonskim aktima potrebno je predvidjeti mogućnost i procedure u slučaju da bliski srodnik ne da saglasnost nosiocu da dostavi podatke o njegovoj imovini, ukoliko nosioc ne zna šta njegov bliski srodnik posjeduje od imovine ili ukoliko nema nikakav kontakt s njim.</p> <p>Amandman V U članu 18 dodaje se novi stav (2), a stav (2) prelazi u stav (3): (2) uz Obrazac prijave Ured je dužan uraditi i Korisničko uputstvo, te oba dokumenta učiniti dostupnim na web</p>	<p>Uvaženo- ugrađeno u odredbe Zakona</p> <p>Djelimično uvaženo- precizirana odgovornost bliskog srodnika u kaznenim odredbama</p> <p>Uvaženo- ugrađeno u odredbe</p>	
--	--	---	--

		stranici. Obrazloženje: Korisničko uputstvo izrađuje se u svrhu objašnjenja kako se ispravno popunjava Obrazac, a oba dokumenta treba učiniti dostupnim na web stranici.	Zakona	
--	--	--	--------	--

Sastavni dio ovog izvještaja je:

- Lista prisutnih učesnika, ukupno 18 učesnika;

Početak javne rasprave 28.11.2019. godine u 11,00 sati, završetak u 14,00 sati.

Javna rasprava zaključena s danom 03.12.2019. godine (nakon prijema pismenih prijedloga, sugestija, primjedbi i komentara).

Radna grupa:

1. Tehirza Jakupović-predsjednik
2. Eldina Bekonjić-član
3. Mumin Nezić-član
4. Naila Badić-zapisničar

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA

ZAKON
O PRIJAVLJIVANJU I POSTUPKU PROVJERE PODATAKA O IMOVINI NOSIOCA JAVNIH
FUNKCIJA U UNSKO – SANSKOM KANTONU

(prijedlog)

Nosilac izrade:
Ministarstvo pravosuđa i uprave

Mart, 2020. godine

Na osnovu člana 1. poglavlja IV i člana 11. b) i n), odjeljak A poglavlja V Ustava Unsko-sanskog kantona – prečišćeni tekst ("Službeni glasnik Unsko - sanskog kantona" broj 1/04 i 11/04) na prijedlog Vlade Unsko-sanskog kantona, Skupština Unsko-sanskog kantona na _____sjednici održanoj dana._____.2020.godine, donosi:

**ZAKON O PRIJAVLJIVANJU I POSTUPKU PROVJERE PODATAKA
O IMOVINI NOSIOCA JAVNIH FUNKCIJA
U UNSKO-SANSKOM KANTONU**

POGLAVLJE I – OPĆE ODREDBE

**Član 1.
(Predmet)**

(1) Ovim Zakonom utvrđuje se obaveza izabranih i imenovanih dužnosnika, nosioca izvršnih funkcija i savjetnika (u daljem tekstu: nosioci javnih funkcija), rukovodećih državnih službenika u organima državne službe u Unsko-sanskom kantonu, da prijave zatečenu imovinu i prihode, porijeklo i promjene imovine i prihoda kao i poklone koje dobiju u toku obavljanja javne funkcije (u daljem tekstu: podaci o imovini), način prikupljanja, obrada, korištenje, zaštita i čuvanje ličnih podataka, sadržaj prijave, postupak provjere prijavljenih podataka, kao i dužnosti i obaveze organa nadležnih za provođenje i nadzor nad provođenjem ovog Zakona i druga pitanja od značaja za provođenje ovog Zakona.

(2) Zakon se odnosi i na vršioce dužnosti svih funkcija.

(3) Obaveza iz stava (1) ovog člana odnosi se i na dostavljanje podataka o imovini bliskih srodnika nosioca javnih funkcija.

**Član 2.
(Principi djelovanja)**

(1) Nosioci javnih funkcija u vršenju javnih funkcija moraju postupati zakonito, efikasno, nepristrasno, časno, te se pridržavati principa odgovornosti, poštenja, savjesnosti, otvorenosti i vjerodostojnosti.

(2) U vršenju javne funkcije nosioci javnih funkcija ne smiju svoj privatni interes stavljati iznad javnog interesa, ne smiju u obavljanju svoje dužnosti tražiti ili prihvatiti nedopuštenu korist za obavljanje svojih službenih dužnosti.

(3) Nosioci javnih funkcija i rukovodeći državni službenici ne smiju koristiti funkciju za ličnu dobit.

(4) Obavljanje svih javnih funkcija bit će transparentno i podliježe javnoj kontroli, a posebno pravu građana da budu upoznati sa ponašanjem nosioca javne funkcije.

**Član 3.
(Svrha obrade podataka)**

Svrha prijavljivanja i obrade podataka o imovini iz člana 1.ovog Zakona je vođenje evidencija ličnih podataka i provođenja principa iz člana 2. ovog Zakona.